

La doturia Grete Mahlknecht é demez ai 22 y 23 de jená (dedolónesc y dedemesaledema) y vëgn sostituida dal dotur Taormina 340 32 28 655.

Por les sajuns da d'invern cina ai 31 de merz y da isté dal 01 de messé cina ai 15 de setëmbel 2019 él le mede dott. Marco Vignini che fej sorvise por i turisc y che é da ciáfë por telefon 393 21 72 017 o ince tl ambulatorie infermieristich d'Al Plan tl orar publiché sön la plata internet dl comun.

SAN MARTIN Y LUNGIARÜ

Tla trasmisciun televisiva en la vëia dla Festa dl Bato de Gejú nes á le vicar general Eugen Runggaldier invié da mëte man l'ann nù tignin imënt ch'i sun batiá, ch'ël ó dí ch'i sun porsones lëdies, ch'i viun sciöche Gejú y cun Gejú y ch'i sun cherdá da daidé costruí n miú monn plü uman. Nia dietes, fitness y sport fej fora de nos de mius porsones, mo la cosciënza via de ester batiá fej de nos de mius porsones, deache le bato nes recorda, chë ch'i sun y chë ch'i podun diventé tres le Spirit de Dî. Insciö nes aoda siur Eugen n ann rich de benedisciun che sides caraterisé dala cosciënza y dala ligrëza de ester batiá, spo sarál sigü n bun ann.

la por l'ann vëgnel tigní chëstes incuntades de preparaziun al bato a San Martin éra bele stada ai 12 de jená
ai 09 de merz dales 15.00 - 17.00 a La Ila te calonia prenotaziun 334 32 00 396
ai 11 de ma dales 15.00 - 17.00 a Al Plan te calonia prenotaziun 328 07 17 796
ai 06 de messé dales 15.00 - 17.00 a Calfosch tl salf uniuns; prenot. 334 32 00 396
ai 07 de setëmbel dales 15.00 - 17.00 a La Val tl salf manif.; prenot. 328 07 17 796
ai 09 de novëmbel dales 15.00 - 17.00 a S. Ciascian te calonia; prenot. 334 32 00 396
Inviá é düc i geniturs che á n pice möt da batié, pers che aspeta, toc y totes de nosc decanat. Deboriada vëgnel aprofondí l'importanza de chësc sacramënt, presenté le ritus y splighé i simboi dl bato.

Dis dla "porta daverta" tl Vinzentinum, le gymnasium da Porsenú, rich de tradiziun se presentëia. En vëndres, ai 15 de forá, dales 8.30 ales 12.30 y dales 14.00 ales 17.00 y en sabeda, ai 16 de forá, dales 8.30 ales 12.30 vëgnel metü a jí tl Vinzentinum dis dala porta daverta. Scolares y scholars con sü geniturs pó vijité, zënza s'anunzié danfora, le gymnasium y l'internat y s'informé sön les ofertes dl istitut. Dal altonn 2013 incá vëgnel tut sö tl internat ince mitans. Informaziuns por ladin sura la ciasa ciáfëise: www.vinzentinum.it/lad

SAN MARTIN

Da pert di Stödafüch da San Martin vëgnel rengrazié döta la popolaziun por les spënores che é gnüdes fates en gaujiun dl'aziun di calëndri di stödafüch 2019

LUNGIARÜ

I ti audun döt le bun a Theresia Huber Daverda che complësc 80 agn ai 24 de jená.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

20.01. – 27.01.19 nr. 8

ultimo termo por comunicaziuns: jöbia dales 20.00
radio: 90,40 / 93,70

2ª DOMÈNIA IA POR L'ANN C

Vangele do Jan 2,1-11

Gejú ti à dit ai sorvidûs. Implide i bocà d'ega! Y ai i â impli cina al ur.
Al ti à dit: Ciariéde fora y portédenen a chël che à da fistidié por le past.
Ai ti an à portè. Al à ciarcé l'ega che é diventata vin,
y ne savô nia da olâ che le vin gnô adalerch;
mo i sorvidus, che â ciarié fora l'ega, le savô.
Sön chëra àl cherdé adalerch le nüc y ti à dit:
Vignun porta naôta sö le bun vin y spo pormò,
canche i ghesé n'á boiü assà, le manco bun.
Tö indere as tignì sö le bun vin cina sëgn.
Insciö à Gejú fat so pröm sëgn a Cana
y à manifesté süa gloria,
y sü discepu cherdô te ël.



Sc'i damani i mituns che vá ala confermaziun, cal che é sté le pröm miraco che Gejú á fat, nen cunti sö n valgügn, mo le miraco da Cana é dainré lapró. Y sc'i ti diji, che Gejú s'á lascé invié da trasformé ega te vin deach'al é na noza, olach'an se devertí y sboaciâ bindebó, por che la festa ne se rovass nia te n iade, chësc ne n'oi pa nia dër crëie.

Forse n'orô pa gnanca Gejú ma insciö bel atira se moscedé ite; y ince a Maria ne n'ó Gejú daimpröma nia ti olghé. Ciodí müdel pa spo te n iade idea?

Chiló pón ma spicolé: Magari ël sté la gran crëta de süa uma che l'â sburlé: "Ci che ël ves dij, chël fajede!", l'abondanza dla fede.

*Y chësc ti diji iö ince ai mituns che vá ala confermaziun:
Fede é abbondanza, che ne conësc degöna mosöra, abbondanza de fidënza, abbondanza de amur y de ligrëza. Fede é na festa che ne se röia nia.
Y porchël é le miraco dl vin a Cana, do mia minunga,
n miraco che passenëia dër por le scomenciamënt dl operé de Gejú. (M.T.)*

	SAN MARTIN	LUNGIARÜ	QUIZ POR LA DOMËNIA DLA BIBLA 
20.01.19 2ª DOMËNIA - Ann C DOMËNIA DLA BIBLA	9.00 Novëna a Sant Ujöp da Oies 9.30 GRAN MËSSA dla comunité dl ann + Artur Conrater dl ann + Mariangel Tavella	7.55 Corona 8.15 GRAN MËSSA dla comunité	Olá á pa Gejú trasformé ega te vin? t1) tla Samaria 2) tla Galilea 3) tla Iudea <i>ciarede do tl vangele da incö</i> Ci rode dla scritöra ti án pa sport ia a Gejú? 4) dl profet Jeremia 5) dl profet Ezechiel 6) dl profet Isaia <i>Lüca 4,17</i> Ciodí tlama pa Gejú i püri beac? 7) deach' ai gnará pascentá? 8) deache de chí é le règn dl cil 9) deach' ai odará Idî <i>Lüca 6,20</i> Mia uma y mi fredesc é chi che 10) ascuta la parora de Dî y la fej 11) vir do la orenté de Dî 12) vëgn do a me <i>Lüca 8,21</i> Pere, por ch' i podess fá na festa cun mi amisc, ne m' aste mai scinché 13) n bëch 14) n videl 15) n porcel <i>Lüca 15,29</i> Ai â dit: I n' un nia deplü co 16) set pans y trëi pësc 17) cin' pans y dui pësc 18) trëi pans y dui pësc <i>Lüca 9,13</i> Gejú ti â dit: Incö ti é gnü scinché 19) la salvëza a chësta ciasa 20) la pesc a chësta ciasa 21) dorada por dagnora <i>Lüca 19,9</i> Dailó â ince ëi cunté coch' ai l' â conesciü 22) da sües parores 23) da sües plaies 24) canch' al rumpî le pan <i>Lüca 24,35</i> <i>Les dêrtes respostes tla proscima plata</i>
21.01.19 Lönesc <i>Agnes, Ines, Meinrad</i>	15.30 Mëssa a Picolin en onur de San Bostian + Erica Videsott + + Conrater, Picolin cun Novëna a Sant Ujöp da Oies		
22.01.19 Dedolönesc <i>Vinzenz, Teodolinda</i>	19.30 Mëssa por fam. Frenner Lovara + + Tone y Monica Tolpeit cun novëna a Sant Ujöp da Oies		
23.01.19 Dedemesaledema <i>Heinrich Seuse, Eugen</i>	a ciasa Novëna a Sant Ujöp da Oies	7.50 Mëssa di scholars + + Chiusura + + Pire Daporta Corona a Sant Ujöp da Oies 20.00 <i>Incuntada di qeniturs di mituns dla Pröma Comuniun</i>	
24.01.19 Jöbia <i>Francësch da Sales, Vera, Arno</i>	7.30 Mëssa di scholars + Erika Psailer + Giovanni Flöss y + + Pedevilla, Ju + Davide Costalunga Novëna a Sant Ujöp da Oies		
25.01.19 Vëndres <i>Converjiun de San Paul, Susana</i>	18.30 Adoraziun chîta 19.00 Novëna a Sant Ujöp da Oies	7.30 Mëssa de reng. fam. Pezzei, Camura a d' intenz. de Lidvina Costa, Pech	
26.01.19 Sabeda <i>Timoteus y Titus, Paula</i>	15.30 Mëssa tla Ciasa de Palsa 18.30 Mëssa prefestia dl ann + Pire Tavella + Paul Ploner (dl ann) + Giovanni Pescoller cun novëna a Sant Ujöp da Oies	20.00 Mëssa prefestia dl ann + Pire Clara, Mair + Davide Daporta	
27.01.19 3ª DOMËNIA - Ann C	Festa de Sant Ujöp Frëinadamez 9.00 Novëna a Sant Ujöp Fr. 9.30 GRAN MËSSA dla comunité en onur de Sant Ujöp Frëinadamez	Festa de Sant Ujöp Frëinadamez 7.55 Corona a Sant Ujöp Fr. 8.15 GRAN MËSSA dla comunité en onur de Sant Ujöp Frëinadamez 11.30 Bato de Isaac Mischi	